



20. august 2021

UKA 2021/73

Inatsisartut suleriaasianni § 33 tunngavigalugu matumuuna aalajangiiffisassatut siunnersuuteqarpunga:

Inatsisartut isummerfigisassaattut siunnersuut Naalakkersuisut peqquneqassasut kalaallisuumik naqinnernik ilisarinnissinnaanngitsunut misissuummik ineriartortitsisoqarlunilu atuutilersitsisoqarnissaanik meeqqat atuarfianni ilinniartinnilu ingerlariaqqiffiusuni atornerqartussatut

(Inatsisartunut ilaasortaq Nivi Olsen, Demokraatit)

Tunngavilersuut

Inuit naqinnernik ilisarinnissinnaanngitsut ataavartumik ajoquteqarput, naqinnernit nipimillu ataqatigiitsiuminaatsitsisut. Taamaattumillu inunnit allanit atuarniarnermikkut allanniarnermikkullu ilikkaruminaatsitsinerullutik.

Tamanna nunarsuatsinni nutaaliaasumi ajornartorsiutaavoq, tassami atuarsinnaaneq ilisimasaqalernissamut aqquataamat, ilinniagaqarnissamut paasissutissiinermullu. Taamaattumik pingaaruteqarpoq, meeqqat naqinnernik ilisarinnissinnaanngitsut pitsaaneruseqarpoq, kinaassusersinissaat, siusinnerusukkut eqqortumik ikorfartorneqarlutillu eqqortumik ikorneqarniassammata, taamaaliornikkut meeqqat ilinniagaqarnissaminut pitsaasunik periarfissinneqassammata.

Tassunga atatillugu unamminarnerpaaq tassaavoq, naqinnernik ilisarinnissinnaannginnermut misissuummik peqanngimmat, kalaallit nunaanni pissutsinut kalaallisullu oqaaseqartunut tulluuttumik. Piaarnerpaamik tamanna aqqittariaqarparput.

Taamaaliorneq nukippassuarnik piffissamillu annertuumik pisariartitsissaaq kalaallisut naqinnernik ilisarinnissinnaannginnermut misissuummik sananeq. Ilinniartitaanermut aqutsiveqarfiup nalilerpaa, pilersitsiniarneq ukiunik 3-5 minnerpaamik sivilisussuseqassasoq. Misissuutissaq oqaatsinik, atuarnermik, allannermillu akornutilinnik, oqaasilerisunit, misissuutininik pilersitsinermut ilisimasalinnit, statistikerinit siunnersuisartunit ilallugit soorlu ilisimatuunik aammalu pilersaarusiornermi sulisunit marlunnit peqateqarluni misissuisussanik, sulisussanik assigiissaarisussanillu. Ilimagineqarpoq, suliaq katillugit 8-10 sulisunit suliarineqassasoq. Misissuummillu pilersitsiniarnermut pisariaqarpoq, pilersaarummut sulisunik suleqatissanillu piginnaaneqarluartunik sulisussarsiornissaq. ¹

Maannakkut meeqqat atuarfiisa 1. – 3. klassinut misissuutit atorpaat, atuartut naqinnernik ilisarinnissinnaannginnermut ulorianartorsiortut kinaassusersinissaannik siunertaqartumik taamaasillutik atuarsinnaanermut suliniutit tunaartallit ingerlanneqarsinnaaniassammata.

Taakkuli misissuutit suussusersiortaateqanngillat. ²

¹ https://ina.gl/documents/para3637/2021/svar/040_2021_uddannelse_menneskerettigheder_NIOL_svar.pdf

² https://ina.gl/documents/para3637/2021/svar/040_2021_uddannelse_menneskerettigheder_NIOL_svar.pdf



Soorunami Demokraatit nuannaarutigaa, soqannginnermiik misissuummik sanasoqarsimanera, isumaqarpugulli, sulii annertusarnerusariaqartoq. Isumaqarpugut, naqinnernik ilisarinnissinnaangitsunut misissuutivimmik peqarnissaq pisariaqartoq, kalaallit oqaasiinut tulluussakkamik imaasillugu, meeqqanut, naqinnernik ilisarinnissinnaangitsunut, tapersersuineq ikiorsiissutillu pisariaqartut atorsinnaangorlugit.

Demokraatit neriupput amerlanerussuteqartut Naalakkersuisunit siunnersuut Inatsisartunilu partiit tapersissagaat.

Pisortanut aningaasatigut allaffissornikkullu kingunissai

§ 37-apeqqummut normu 40-2021-imut Naalakkersuisut ima akissuteqarput:

“Suliniut ukiumut 2.000.000 kr.-inik akeqartussatut naatsorsuutigineqarpoq, katillugit 6.000.000-10.000.000 mio.kr.-eqartussatut. Taassuma saniatigut misileraatissap eqqukkiartuaarnerani aningaasartuutissat ilanngukkumaarput.”

Namminersorlutik inuussutissarsiortunut aningaasatigut allaffissornikkullu kingunissai

Soqanngilaq

Innuttaasunut aningaasatigut allaffissornikkullu kingunissai

Naqinnernik ilisarinnissinnaangitsunut kalaallisuumik misissuusiorderup qulakkiissavaa, meeqqat naqinnernik ilisarinnissinnaangitsut amerlanerusut nassaarineqarneri ikiorneqarsinnaalernerilu. Ataatsimut isigalugu kingunerissavaa, meeqqat taakku ilinniakkamik naammassinnissinnaanerannut periarfissat pitsaanerulernerat aammalu taamaasillutik pitsaanerusumik suliffeqalernissaannut aqqutissiuunneqarlutik.